

# Kalaallit Nunaanni aningaasanoorutit ilaasa akitsuutaat pillugit nalunaarut

Kalaallit Nunaanni aningaasanoorutit ilaat pillugit inatsimmi nr. 223, 22. marts 2011-meersumi § 34 aamma § 46 naapertorlugit makku aalajangersarneqarput:

## Kapitali 1

### *Nalunaarsuineq*

§ 1. Aningaasanoorutit neqeroorutiginissaannut akuersissutit marluk akunneqanngitsumik akuersissutaareersimappata aningaasanoorutit akitsuusigassaataasut neqeroorutiginissat pillugu nalunaarsugaareersoq nutarterneqarsinnaanngilaq.

## Kapitali 2

### *Naatsorsuutit akitsuutillu nalunaarutiginissaat pillugit aalajangersakkat*

§ 2. Inuit ingerlatseqatigiiffillu il.il. (allat sinnerlugit inatsisisitigut ingerlatsisut) aningaasanoorutini neqerooruteqarsinnaasutut nalunaarsukkat akitsuuteqarfiit tamaasa naatsorsuusiussavaat akitsuut akitsuuteqartitsinerup naanerani nalunaarutigineqartoq naatsorsuutini ersersillugu. Akitsuutip nalunaarutiginnginnerani naatsorsuutit suliarineqareersimassapput.

*Imm. 2.* Niuertut naatsorsuutaanni nalinginnaasuni naatsorsuutit suliarineqassapput.

Inuit ingerlatseqatigiiffillu il.il. (allat sinnerlugit inatsisisitigut ingerlatsisutut)

nalunaarsukkat naatsorsuuserineq pillugu inatsit malillugu

naatsorsuuserisussaataa ngikkaluilluunniit piumasaqaatit naatsorsuuserinermut inatsimmi

aalajangersakkat naammassissavaat, taamaattoorli takuuk imm. 3. Naatsorsuuserinermik inatsimmi

qarasaasiakkut naatsorsuuserineq pillugu aalajangersakkat nalunaarut manna malillugu

naatsorsuuserinermi aamma malinneqassapput.

*Imm. 3.* EU-mi tassaniluunniit aningaasatigut suleqatigiiffimmi allami

pilersinneqartumik akitsuusigaasussaataasup danskit naatsorsuuserinermut inatsisaanni

piumasaqaatit naammassinissaannut taarsiullugu nunami pilersitsiffimmi piumasaqaatit

naammassinissaat toqqarsinnaavai.

*Imm. 4.* Aningaasanoortitsisartoq arlalinnik neqerooruteqarnissamut akuersissutini

pigisalik, akuersissutit imm. 1-imi taaneqartut tamaasa immikkoortillugit

naatsorsuusiorsinnaavoq, taamaattoorli takuuk imm. 5.

*Imm. 5.* Aningaasanoortitsisartoq Danmarkimi Kalaallillu Nunaanni akuersissutinik assigiissunik pigisalik imm. 1-imi taaneqartut ataatsimoortillugit naatsorsuusiorsinnaavoq.

**§ 3.** Naatsorsuutit paasissutissanik makkuninnga ullulersukkanik tamatigut imaqartinneqartassapput:

- 1) Aningaasanoortut aningaasanoorutitut akiliutaat.
- 2) Eqqukkat tunniussat.
- 3) Aningaasanoortitsisup pissarsiai.

**§ 4.** Hiistit qimmillu sukkaniutsinnerannit eqquiniaasitsinermut akuersissutinik pigisallit banit ataasiakkaat tamaasa immikkut aamma banit avataanni eqquiniarfiit naatsorsuusiussavaat.

**§ 5.** Inatsimmi § 28, imm. 4 malillugu eqqukkanut akitsuutit akilernerqarsimangippata eqqukkanut naatsorsuutit aamma eqquiniutit tuninngisat aningaasartaat eqqugassat eqqukkallu aaneqanngitsut tullianik eqquiniaatitsinermi nutaami atorineqartussat immikkut uppersarsaasikkat eqquniaatitsinissamut akuersissummik pigisallip naatsorsuusiussavai.

**§ 6.** Eqquiniaasitsinerni ataasiakkaani ingerlanneqartuni aningaasat ullumikkut nalingat malillugu naatsorsuusiortoqassaaq.

*Imm. 2.* Inatsimmi §§ 28 aamma 29 malillugit akitsuusigassat naatsorsornerat akitsuutillu akilernerqarnerat danskit koruuniinut naatsorsorlugit ingerlanneqassapput. Naatsorsuutit tamakkerlugit ilaannaalluunniit nunap allap aningaasaata nalinganut naatsorsuusiorneqarpata aningaasat nalingi (akitsuutitut tunngaviusut) tamaasa immikkut katinnerat danskit koruuniinut nuutinneqassapput. Ullormi nalunaaruteqarfimmi danskit koruuniinut nuutitsisoqassaaq. Nuutitap nalingata naatsorsornerani nunap pineqartup aningaasaata nalinga Danmarks Nationalbankimit annertussusilernerqartoq malinneqassaaq imaluunniit akitsuusiinermi nali kingulleq danskit akitsuusiinermut akileraarusiinermullu ingerlatsiviannit annertussusiligaq malinneqassaaq. Nuutitsinermi nalit toqqarneqartut sivikinnerpaamik ukiuni marlunni pituttuisumik malinneqassapput.

**§ 7.** Naatsorsuutit, bilagit naatsorsuuserinermilu atortut allat ukiup naatsorsuusiortifiusup naaneraniit ukiuni tallimani suliffeqarfimmit nalunaarsukkamit toqqortarineqassapput.

*Imm. 2.* Aningaasanoorutit akitsuutaat pillugit inatsimmi § 20 malillugu nunami allami suliffeqarfik maani najugalimmik sinniisoqarpat naatsorsuutit nunami maani sinniisumit toqqortarineqassapput.

**§ 8.** Akitsuusikkat nalunaarutiginerisa saniatigut aningaasat akitsuutip (tunngaviusup) naatsorsorneranut tunngavigneqartut paasissutissiisutigineqassapput.

### **Kapitali 3**

*Kingunerititassat aamma nalunaarutip atuutilerfia pillugit aalajangersakkat*

**§ 9.** Nalunaarummi uani aalajangersakkanik piaaraluni annertuumilluunniit mianersuaalliornikkut unioqqutitsinerit akiliisitaanermik kinguneqartinneqassapput, inatsimmi kapitali 14 malillugu sakkortunerusumik kinguneqartitsisoqanngippat.

*Imm. 2. Ingerlatseqatigiiffiit assigisaallu (allat sinnerlugit inatsisitigut ingerlatsisut) Kalaallit Nunaanni pinerluttulerinermik inatsimmi kapitali 5-imi malittarisassat malillugit kinguneqartitsinissamut akisussaatinneqarsinnaapput.*

**§ 10.** Nalunaarut manna 1. januar 2012-imi atuutilerpoq.

*Akilaartarnermut ministereqarfik, ulloq 5. December 2011*

THOR MÖGER PEDERSEN

/ Lars Henry Nielsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut